

GEHEIM

Kopieno. 2. van. 3.

AFASANT/311/1/9

Telefoon : 223-5991 (Santiago)
 Navrae : Kol Snyman

Weermagattachéskantoor
 Santiago
 Chili
 22 Desember 1988

→ Hoof van die Lugmag (Aandag Genl van Loggerenberg)
 → Hoof van Staf Inligting (Brig Bosch, DBB, - Ter Info)

VERSTEWIGING VAN KONTAK MET CHILEENSE LUGMAG

INLEIDING

1. 'n Waardering van RSA/Chili verhoudinge is onlangs deur die RSA Ambassade in Chili gemaak na aanleiding van die volkstemming wat op 5 Okt 88 alhier gehou is. Die uitslag van die stemming was teen die huidige President van Chili, Genl Pinochet, en beteken dat daar in Des 89 'n sg "demokratiese" presidentsverkiesing gehou moet word met kandidate wat deur die verskillende politieke partye aangewys is.
2. Die uitslag van die nuwe verkiesing is bykans onmoontlik om noual te bepaal en die moontlikheid dat 'n Sosialisties-/Sentraal-linksgesinde regering in Mrt 90 aan bewind kan kom, kan gladnie uitgesluit word nie. Die Ambassadeur, Genl P.W. van der Westhuizen, het toe besluit om 'n waardering te laat doen om te bepaal in watter mate die huidige RSA/Chili verhoudinge geraak sal word indien 'n linksgesinde regering aan bewind kom en watter stappe nou geneem moet word om die effek daarvan te neutraliseer. (Waardering nog in proses van finalisering.)
3. Die hoofgevolgtrekking waartoe die Ambassade gekom het was dat, indien die sg "muishondstatus" van die twee state buite rekening gelaat word, daar bitter min is wat die RSA en Chili in gemeen het en wat hulle aan mekaar bind. Die twee state is ver vanmekaar geleë en buiten dat albei sterk anti-kommunistiesgesind is en 'n probleem tov Cubaans-gesteunde terrorisme ondervind, deel hulle huidig nie dieselfde strategiese belang nie. Ook op handelsgebied is die twee lande grootliks konkurente en is die huidige jaarlikse handel maar ± R40 milj.
4. Die gevolg van al die faktore is dat, ten spyte van die goeie verhoudinge wat daar huidig tussen die twee lande heers, indien daar in die toekoms druk vanaf die buiteland op 'n siviele Chileense regering uitgeoefen word om bande met die RSA te verbreek, Chili nie veel het om te verloor as hulle dit wel sou doen nie.
5. In die lig hiervan was die opdrag van die Ambassadeur aan al die betrokke departemente om, in die oorgangstydperk wat voorle, alles in hulle vermoe te doen om die huidige goeie verhoudinge wat bestaan uit te brei en te verstewig, om sodende Chili meer konkreet aan die RSA te bind.

DEFENCE INTELLIGENCE
DECLASSIFIED

GEHEIM

2015-02-02

J.A.L STEINMANN
 72563596PE WO1

Die doel van hierdie geskrif is om in die lig van die moontlike soek binnekort van Genl Vega, Chileense Hoof van Lugmagstaf, aan die SA, voorstelle te maak ter verstewiging van bande tussen die SALM en die Chileense Lugmag (FACH).

BEHOEFTES VAN DIE FACH

7. Hierdie kantoor is bewus daarvan dat daar onlangs 'n voorlegging aan die Minister van Verdediging gemaak is waarin gemotiveer is dat 'n uitnodiging aan Genl Vega gerig word om die RSA in Feb/Mrt 89 te besoek. Die uitslag van die voorlegging is nog nie aan ons bekend nie maar hierdie kantoor is bewus van die volgende behoeftes van die FACH, die bevrediging waarvan tot stewiger bande met die SALM kan lei en wat moontlik 'n basis vir gesprek/ooreenkomste kan wees tydens so 'n besoek.

- a. Die Lugoorlog Akademie (Soortgelyk aan SALM Kol) het aangedui dat hulle met graagte 'n uitnodiging aan die FACH Stafkursus van 1988 (medestudente van Kmdt T.La Grange) om die RSA in 1989 te besoek, sou ontvang. Hierdie behoeftte is van 'n meer onmiddelike aard omdat hulle tans alreeds so 'n uitnodiging van Israel ontvang het maar sou verkieks om die RSA soos in Jan 84 te besoek. ('n Motivering in hierdie verband is alreeds in Jul 88 aan SALM HK gestuur maar ten spyte van vele opvolgaksies is 'n antwoord nooit ontvang nie.) Die gebruik vir hierdie toere is dat die FACH 'n Boeing 707 beskikbaar stel vir die vervoer van die groep en dat die Gasheerstaat dus net vir verblyf en ander kostes moet instaan.

Voorstel: Dat so 'n uitnodiging ssm aan die FACH gerig word om moontlik met 'n gedeelte van Genl Vega se besoek saam te val. (Hy kan moontlik vir die heenreis in dieselfde vliegtuig reis.)

- b. Die FACH is tans met 'n soortgelyke ombouingsprogram van hulle MIR 50 vliegtuie besig as die SALM met sy MIR III's na CHEETAH standaard. Hulle geniet hiermee ook die samewerking van Israel maar is volgens aanduidings onseker oor hoe om die Eskader weer operasioneel te kry. Hulle beskik ook nie oor 'n CHEETAH-nabootser nie.

Voorstel: Dat twee FACH vlieëniers uitgenooi word om 'n CHEETAH-nabootserfase in die SALM te kom meemaak en verder nog, afhanglik van die SALM se eie behoeftes, om vir een jaar aan 5 Esk gesekondeer te word. Twee SALM vlieëniers kan dan later, wanneer hulle ombouingsprogram verder gevorder het, op 'n wederkerige basis aan die FACH gesekondeer word.

- c. In Okt 88 het 'n EO-span van Chili, ingevolge 'n vroeer ooreenkoms, die RSA besoek waartydens hulle ook met 60 Esk te doen gekry het. Sedertdien het Genl Velasquez, HLS Inl, op twee

DEFENCE INTELLIGENCE
GEHEIM
DECLASSIFIED

2015-02-02

J.A.L STEINMANN
72563596PE WO1

geleenthede aan die Lugattaché (oa in die geselskap van Genl Vega) 'n behoeftte uitgespreek dat 'n vliegtuig van 60 Esk Chili besoek en vir die FACH 'n paar EO-uitvlugte langs hulle grens met Argentinie" en Peru uitvoer. Hier sal 'n paar tegniese/sekerheids probleme eers uitgeklaar moet word omdat die plaaslike lugredery LAN vir die versiening van die FACH Boeings verantwoordelik is. (NOTA: Genl Velasquez word vanaf Jan 89 deur Genl De La Fuente opgevolg.)

Voorstel: Dat, indien die SALM vir homself uitsluitsel oor die tegniese/sekerheidsaspekte kan kry, hy aanbied om 'n vliegtuig van 60 Esk so 'n besoek te laat doen.

- d. In Nov 88 het Genl Boisset, President van ENAER (soortgelyk aan ATLAS in RSA), 'n onderhoud met die Lugattaché versoek na aanleiding van twee buitelandse verkoopsagente van Vliegtuigvervaardigingsmaatskappye (Pilatus in Switserland en EMBRAER van Brasilië) wat hom op verskillende geleenthede genader het om onderskeidelik die Pilatus PC7/9 en die Tocana onder lisensie te vervaardig vir uitvoer na die RSA. Hy het aan die Lugattaché aangedui dat, indien daar enige waarheid sou insteek, ENAER bereid sou wees daartoe. Toe die Lugattaché na oorlegpleging met die RSA later aan hom terugrapporteer dat dit slegs gerugte was, het hy weer aangedui dat hulle bereid sou wees om die SALM, waar moontlik, op enige gebied by te staan, ook vir die verkryging van Mirage onderdele.

Voorstel: Dat die SALM ondersoek instel na terreine waar ENAER die SALM van hulp kan wees en dan met hulle 'n ooreenkoms aangaan om saam te werk. Indien dit blyk dat daar tans geen gemeenskaplike belang is nie moet 'n formele ooreenkoms tog met hulle aangegaan word om hulle sodoende te bind tot toekomstige samewerking wanneer die behoeftte wel mag ontstaan.

AANBEVELINGS

8. Hiermee word aanbeveel dat die voorstelle soos in para 7 hierbo uiteengesit, implimenteer word om sodoende die FACH/SALM bande te verstewig en die FACH tot voortgesette samewerking met die SALM te verbind, nl dat:

- 'n Uitnodiging onmiddelik aan die FACH stafkursus van 1988 (medestudente van Kmdt T. La Grange) gerig word om die RSA in 1989, moontlik om met 'n gedeelte van Genl Vega se beoogde besoek saam te val, te besoek.
- 'n Uitnodiging aan die FACH gerig word om twee vlieëniers na die RSA te stuur om 'n CHEETAH nabootserfase te kom onderneem en moontlik later aan 5 Esk geselekonneer te word.

DEFENCE INTELLIGENCE
DECLASSIFIED

GEHEIM


2015 -02- 02

GEHEIM

4

- c. Die SALM aanbied om 'n EO-vliegtuig van 60 Esk na Chili te stuur om uitvlugte langs die grense van Argentinie en Peru uit te voer indien die FACH 'n behoefté daaraan het en die SALM homself tov die tegniese/sekerheidsaspekte van so 'n besoek tevrede gestel het.
- d. Die SALM met ENAER/FACH 'n formele oorhoofse ooreenkoms aangaan om in die toekoms saam te werk wanneer die behoefté ontstaan, om sodende die FACH tot toekomstige samewerking te verbind.

Nota: Sub-para "a" onmiddellik en sub-para's "b" tot "d" tydens Genl Vega se besoek.


G.F. SNYMAN
KEMAGSATTACHE SANTIAGO: KOL

DEFENCE INTELLIGENCE
DECLASSIFIED

2015-02-02

J.A.L STEINMANN
72563596PE WO1